

四庫全書

集部

欽定四庫全書

文苑英華卷五百二

宋 李昉等 編

求賢

求賢三道

高潔之士二道

請以族類求賢一道

尊賢一道

請行賞罰以勸舉賢一道

文學

議文章一道

採詩一道

救學者之失一道

黜子書一道

書史百家三道

射御

射御一道

求賢

問選賢舉能秀造參用今之所薦誠為得人未聞含聲待扣乃有不耕而獲十室忠信理亦難誣若遂踐於清朝仗何材而一作於濟物又二老歸周見稱何德八元佐

仕一作

舜見述何功茲泉以何術見稱莘邑以何辭作相

雲臺畫象述其先麟閣稱名標其道

對

對昔者聖人之立極也選衆舉能列官分職以通天地
之德以類亭毒之功臣哉隣哉時用遠矣主上重光纘
曜紹開中興拜輜軒於受命之初希俊賢於御極之日
茲乃義軒之志堯禹之心勤求道要闕所望於清光哉
故鄧林有必至之才崑山無藏價之寶可不謂然乎走

臣一作以妄庸藝無兼採繆從卑列應此嘉薦誠非鈍朽

所能塞充然天休一作光震動虛求秀逸揚於王庭亦僥

倖矣顧當參明試獻嘉猷竭謏聞敷大體言用身退以

酌萬一豈所謂不耕而獲邀名幸時而已哉今見屬有

司恭承下問懋陳常務自謂無竒若得飭躬召見對揚

天休下學上達舒憤竭情則亦引諭陰陽較明時政之

要感激狂直甄撫授受之宜效其涓埃以增海岳耳若

遂踐清朝濟時成務其道甚大惟變所適俾聞後命則

藏器而動顧以更僕亦何盡言曲學鯁生居今志古若
乃忠為令德功實佐時披卷懷人恨為異代雖慙非博
物敢不揚言則夫西伯善養夷齊以讓國歸老帝舜舉
能元凱以通才授職維師尚父鞞鈴乃適道之功相時
阿衡鼎飪為獻君之術雲臺紀績吳鄧懿其元勳麟閣
圖功衛霍流其茂實謹對

求賢

見四百八十二卷題作
賢良方正第二道策

吳師道

同前

問棘津登輔不因階於尺木莘郊作相豈憑資於累遷

蓋道有攸存時無可廢爰暨澆訛必修一作循班序先容

乃器因地拔萃共相沿襲遂成標準今聖人務切懸旌

心搖啟繇一作旆雖衣冠華盾已喬遷於周列而衡泌幽

人罕遙集於魏鼎豈英靈不孕於山澤將物理自係於

古今無蔽爾辭切陳其致

對

上官儀

對鳳德方亨必資英輔龍光未聘實俟明君既藏器以

須時亦虛襟而待物莫不理符靈應道叶冥通類霜降
而鍾鳴同雲蒸而礎潤秘策赴之如投水神心應之若
轉規用能感會一時抑揚千古是以沉鱗暫躍遂游泳
於天漢墜羽纔遷乃騰驤於日陸弘心體之妙旨播舟
水之嘉謨義列丹青德融金壁迨乎時鍾季叔化漸澆
訛拔萃之惠罕流因地之階愈篤使西都金一作陳子奕
葉稱榮東國袁生八公為貴廷尉之明窮識理十載無
知黃門之妙極摛文八遷寧進徒使干星秀氣永翳窮

塵照廡竒光長湮幽石自可循風市馬襲軌求龍三年
不虧七年無廢爰爰束帛指丘園而畢陳翹翹車乘望
林泉而載轄則材標海若霧集丹墀德表星精雲飛紫
闕豈直高尚之士遙集於台司衡泌之儔喬遷於鼎職
謹對

高潔之士

問惟堯則天全潁陽之節惟禹奠州遂滄州之美然則
高潔之士出於盛明庶恥之賓不生澆季自皇唐受命

驅駕前古貞遁不聞風軌莫繼豈端操之範獨秘於往
辰將奔競之徒頓騁於茲日緬懷長往有惜深衷貯聽

離一作諸賢以祛心疚

對

對則天分箕山多長往之賓濬畝劬勞滄州有肥遁
之客是以北荒孤竹甘一作隱草澤而輕周南岳紫芝翫
林泉而恥漢此蓋為匹夫小節未達汾陽之旨獨行幽
姿寧動少微之宿豈若大風在夢非熊入兆下箕尾而

稱師委旄頭而作傅自大君有命遠頓天紘盡岩穴之
英竒揔濠梁之邁軸脫荷裳而襲朱紱解薜蘿而綰青
綬五尺童子羞稱荷篠三事大夫耻觀瓢飲將使鄭君
谷口擅不言之謠曹相府門多清淨之化方知聖人在
上真隱不獲全其高淳風所偃幽真不能固其節麕卵
一作麕狸得性麟鳳所以呈姿山林不天風雲以之通氣物
既稟和而適變士亦感類而相從調飪自可怡神烹鮮
足堪養性猶謂寒泉獨善未臻授手之仁薪樵蕪濟有

助興王之道謹對

同前

田 備 總目作
田恪

對聖人出震博訪芻蕘大帝登庸詢謀師相是以周稱
尚父呂望擢自磻溪殷曰得賢傳說求諸版築莫不舟
梁羽翮鼎寶鹽梅表區寓之明明成朝廷之濟濟自隆
周洎乎幽厲朝政在於諸侯炎漢至于哀平威權任乎
卿相貂蟬耀彩雄俊遍五侯之門劔履生光賓客滿四
豪之第吹竽彈劔犬吠鷄鳴用才各任所能取士不求

其備弓旌之命非道德之門蒲帛之徵乖有道之室方
今前疑後丞龍翰鳳翼左輔右弼岳氣星精加以徵逸
璞於岩廊索遺珠於窮海丘園之下羔鴈成行閭巷之
中軒輅相次玄纁之禮既備巢父長謝山林珪璧之問
不空夷齊豈食薇蕨

請以族類求賢

白居易

問自古以來君者無不思求其賢賢者罔不思效其用
君賢兩不相遇其故何哉今欲求之辨之

集無此
二字

其術

安在

此下七篇並於白居易集備制科
七十五門中摘取問答皆居易作

對

對臣聞人君者無不思求其賢人臣者無不思効其用
然而君求賢而不得臣効用而無由者豈不以貴賤相
懸朝野相隔堂遠於千里門深於九重雖臣有懷懷之
誠何由上達雖君有孜孜之念無因下知上下茫然兩
不相遇如此則豈惟賢者不用矧又用者不賢所以從

古已來亂多而理少者實此之由也臣以為求賢有術
辨賢有方術者各審其族類使之推薦而已矣近取諸
喻其猶線與矢乎線因針而入矢待弦而發雖有線矢
苟無針弦求自致馬不可得也夫必以族類者蓋賢愚
有貫善惡有倫若以類求必以類至此亦猶水流濕火
就燥自然之理也何則人以德義立身者必交於德義
不交於險僻以正直克己者必朋集作於正直不朋於用
頗邪以貪冒為意者必比於貪冒不比於貞廉以悖慢

肆心者狎於悖慢不狎於恭謹何者事相害而不相習

集作利

性相戾而不相從此乃天地常倫人物常理必然

之勢也則賢與不肖以此知之伏惟陛下欲求而致之

也則思因針待弦之勢欲辨而別之也則察流濕就燥

之徒得其勢必彙征而自來審其徒則集作必羣分而自

見求之於集作之人術辨之於集作之人方於是乎在集有矣

尊賢

用厚禮以致大賢也

問國家歲貢俊逸

集作造

日求賢良何則所得者率尋常

之才所來者非師友之佐豈時無大賢乎將求之不得其道乎

對

對臣聞政理之先先於行道行道之本本於得賢得賢之由由乎審禮若禮之厚薄定於此則賢之優劣應於彼有集作故黜位而朝西面而事則師之才至矣先之以身下之以色則友之才至矣展皮幣之禮盡揖讓之儀則大臣之才至矣南面而坐使者先馬則左右之才至

矣凭几據床以令召馬則廝役之才至矣是以得師者
帝得友者王得大臣者霸得左右者弱得廝役者亂然
則求師而得友求友而得臣者有矣未有求臣而得友
求友而得師者也是故圖帝而成王圖王而成霸者有
矣未有圖霸而成王圖王而成帝者也夫以夷吾之賢
為不可召之臣桓公所以霸齊也孔明之才為非屈致
之士劉氏所以圖蜀也夫欲霸一國圖一方猶審其禮
行其道焉况於開帝王之業垂無疆之休苟無尊賢之

風師友之佐則安能弘其理恢其化乎國家有天下二百年政無不施德無不備唯尊賢之禮未與三代同風陛下誠能行之則盡善盡美之事畢矣

請行賞罰以勸舉賢

問頃者累下詔旨令舉所知獻其狀莫匪賢能授以官罕聞政績將人不易知耶將容易其所舉耶

對

對臣伏見頃者德宗皇帝頒下詔旨令舉所知自是內

外百寮歲有聞薦有司各詳其狀咸命以官語其數誠
得多士之名考其才或非盡善之實何則得賢由舉擇
慎審慎審由賞罰必行自十年以來未聞有司以得所
舉賞一人以失所舉罪一人則內外之薦恐未專精出
處之賢或有遺集作濫斯所以合陛下尚有未得賢之
嘆也伏唯申命所舉深詔有司量其短長之才授以小
大之職然後明察臧否精考課最得人者行進賢之賞
謬舉者坐不當之辜自然上下精詳遠近懲勸謹闕梁

以相保責輪轅以相承

集作求

俾夫草靡風行達於天下

則天下之耳盡為陛下聽天下之目盡為陛下視明其視則舉不失德廣其聽則野無遺賢而後官得其才事得其序如此則陛下但凝神端拱而天下理矣

議文章

碑碣詞賦

問國家撫天下以文明獎多士以文學二百餘載文章炳集作炳化焉然則述作之文久而生弊書事者罕問於直筆褒美者多觀其虛詞今欲去偽抑淫芟蕪剗穢黜華

於枝葉反實於根原引而求之其義集作道安在

對

對臣謹按易曰觀乎人文以化天下記曰文王以文理則文之用大矣哉自三代以還斯文不振故天以將喪之弊授我國家國家以文德應天以文教牧人以文行選賢以文學取士二百餘載煥乎文章故士無賢不肖率意於文矣然臣聞大成不能無小弊大美不能無小疵是以凡今秉筆之徒率爾而言者有矣斐然成章者

有矣故歌詞賦頌讚誄碑碣之製往往有虛美者焉

集作

矣

有愧詞者焉

集作矣

若行於時則誣善惡而惑當世若

傳於後則混真偽而礙將來臣伏思之恐非先王之理化成之教也其古之為文者上以備王教繫國風下以存警誡通諷諭故懲勸善惡之柄執於文士褒貶之際焉補察得失之端操於詩人美刺之間焉今褒貶之文不覈實則勸懲之義缺矣美刺之詩不稽政則補察之義廢矣雖雕章鏤句將焉用之臣又聞稂莠稗生於

穀反害於穀者也淫詞麗藻生於文反傷於文者也故
耘者耘稂莠稗秕所以養穀也王者刪淫詞麗藻所以
養文也伏唯陛下詔主文之司諭養文之旨俾詞賦合
警誡諷諭者雖質雖野採而獎之碑誄有虛美愧詞者
雖華雖麗禁而絕之若然則為文者必當尚實抑美者
誠宜去偽小疵小弊蕩然無遺矣則何慮乎文章不與

三代同風哉

集作同
風歟

採詩

以補察
時政

問聖人之致理也在乎酌人言察人情而後行為政順
為教者也然則一人之耳焉

集作安

得遍聞天下之言乎

一人之心安得盡知天下之情乎今欲立採詩之官開
諷刺之道察其得失之政通其上下之情大夫以為何
如

對

對臣聞聖王酌人之言補已之過所以立理本道

一作遵

化源也將在乎選觀風之使建採詩之官俾乎歌詠之

聲諷刺之興日採於下歲獻於上者也所謂言之者無
罪聞之者足以自戒大凡人之感於事則必動於情然
後興於嗟嘆發於吟咏而形於歌詩矣故聞蓼蕭之詩
則知澤及四海也聞禾黍之詠則知時和歲豐也聞北
風之言則知威虐及人也聞碩鼠之刺則知重斂於下
也聞廣袖高髻之謠則知風俗之奢蕩也聞誰其穫者
婦與姑之言則知征役之廢業也故國風之盛衰由斯
而見也王政之得失由斯而聞也人情之哀樂由斯而

知也然後君臣親覽而斟酌焉政之廢者修之闕者補
之人之憂者樂之勞者逸之所謂善防川者決之使導
善理人者宣之使言故政有毫髮之善者下必知也教
有錙銖之失者上必聞也則上之誠明何憂乎不下達
下之利病何患乎不上知上下交和內外胥悅若此而
不臻至理不致升平自開闢以來未之聞也老子曰不
出戶知天下斯之謂歟

救學者之失

禮樂
詩書

問學者政之根理之本國家設庠序以崇儒術張禮樂而厚國風師資肅以尊嚴文物煥其明倫何則學詩書者拘於文而不通其旨習禮樂者滯於數而不達其情故安上之禮未行化人之學將落今欲使工祝知先王之道生徒究聖賢之心詩書不失於愚誣禮樂無聞於盈減積之為言行播之為風化何為何作得至於斯

對

對臣聞化人動衆學為先馬安上尊君禮為本馬故古

之王者未有不先於學本於禮而能建國君人經天緯地者也國家刪定六經之義裁成五禮之文為學者之先知生人之大惠也故命太常以典禮樂立太學以教

詩書將欲以

集作使

四術並舉而行之萬人相從而化之

集無之字

然臣觀太學生徒讀

集作誦

詩書之文而不知詩書

之旨太常工祝執禮樂之器而不識禮樂之情遺其旨則作忠興孝之義不彰失其情則同敬同愛之誠不著所謂棄本而從末棄精而得粗至使陛下語學有將落

之憂顧禮有未行之嘆者此由官失其業師非其人故

但有脩習之名而無訓道之實也伏望審官

集作工

師之

能否辨教學之是非講詩者以六義風賦為宗不專於鳥獸草木之名也讀書者以四代典謨為旨不專於章

句詁訓之文也習禮者以上下長幼為節不專於俎豆

之數禘襲之容也學樂者以忠和孝友為德不專於節

奏之變綴兆之度也夫然則詩書無愚誣之失禮樂無

盈減之差積而行立者乃升之於朝廷習而事成者乃

用之於宗廟是故溫柔敦厚之教疏通知遠之訓暢於中而和於外矣莊敬威嚴之貌易直子諒之心行於上而流於下矣則覩之者莫不承順聞之者莫不率從管乎人情出乎理道欲人不化上不安其可得乎

問子書

對

對臣聞仲尼沒而微言絕七十子喪而大義乖大義乖則小說興微言絕則異端起於是乎岐分派別而百氏

之書作焉然則六家之異同馬遷論之備矣九流之得失班固序之詳矣是非取舍較然可知今陛下將欲抑諸子之殊途遵聖人之要道則莫若弘四術之正義崇九經之格言故正義著明則六家之異見不除而自退矣格言具舉則九流之偏說不禁而自隱矣夫如是則六家九流尚為之隱退况百氏之殊文詭製得不藏匿而消蕩乎斯所謂排小說而扶大義斥異端而闡微言辨惑嚮方化人成俗之畧也伏惟陛下必行之

書史百家

問卦分江使

莊子神龜為清江使河伯之所

圖演天文文籍於是濫觴

書契以之抽緒皇墳帝典述紀言以聯鑣五傳六經貯
禮樂而齊驚斯並懸諸日月煥乎文章至如諸子相騰
小說奔競有慚屑玉之化無異雜鉛之寶請用於火恐
招傳奕之譏將扇其風復奕芟夷之義上塗交戰一為
解環百兩之篇孰關其善七分之術孰著其能誰求天
下之書誰決塚中之錄識二簡者何子觀四轍者何人

京兆耆舊之篇起於何代陳留神仙之傳創自何人誰
先孝子之圖誰首逸人之記倘無談於雕棘將有薦於
拔茅

對

許南容

對夫皇王範物經籍訓人澆浮之說漸列文質之規斯

變故九流異軫

一作軛

百氏齊鑣枝分葉布千門萬戶雖

復言有踏駁理或叢殘時招屑玉之譏閱起雜鉛之議

妨工惑善招惡

左傳昭德今作招惡疑

塞違比夫群岳參差各有

蔽虧之勢衆川浩蕩俱資潤澤之功且夫三代之道未
能無弊六經之教尚皆有失其於子史何獨尤之若以
失而便廢則書禮之法可捨短而從長去泰而除惡咸
用於火竊未為得各言其志亦何傷乎乃好尚不同撰
述各異並流鉛槧咸著蓬山京房惟善於七分張霸心
明於百兩荀勗決塚中之籙陳農求天下之書識二簡
者廣微東晉字也觀四轍者周穆京兆耆舊光武創其篇陳
留神仙阮蒼述其事梁鴻作逸人之傳一作記劉向修孝

子之圖斯並賢者傳之不朽謹對

同前

李令琛

對日月經天星辰助其明耀江河紀地畎澮資其廣深
俱麗於乾綱同歸於坤

一作坎

軸况六經既出百子並驚

萬卷五車七畧四部組織仁義琢磨道德雖非全璧之
珍亦是連珠之寶當有求書之官遠探禹穴近聞汲冢
之文具修蠹簡或陰陽不謬朱紫自分仲任叢殘之譏
並非通論雅用翡翠之喻實得大方豈重以芟夷加之

翦截敢申直筆以塞異端則有百兩之篇張霸所善七
分之術京房獨精陳農訪天下之書荀勗決塚中之策
識二簡者東哲觀四轍者穆王京兆耆舊之篇創於光
武陳留神仙之傳起自阮蒼劉向修孝子之圖梁鴻首
逸人之記謹對

同前

對自龍馬出河爰分八卦靈龜薦洛乃見九疇文字以
典與謨斯起即有姬公秀出制禮樂以匡周宣父挺生

刪詩書而反魯莫不憲章文武祖述唐虞開兆庶之心
靈啓群主之耳目洎乎尼山落構梁木興歌大義云亡

諸子爰

一作漫

起於是墨承諸廟孟繫司徒

八字一作承請廟係司徒

文子開教於五神范蠡逞能於千樹孫武絢其鞞畧蒙
叟混其鵬蜩葛洪述內外之篇劉安論黃白之秘楊託
思於全性鄒銳想於談天商君既擅於刑書尹文亦諒
於名實呂韋博識載擣懸市之文鬼谷多才爰初飛籀
之作自茲以後其流甚繁雖云有異於微言亦可觀於

小道或激揚仁義或囊括政刑或富國成家或懲惡勸善進既資於助國退亦取於理身實翰墨之泉源信文章之隆藪故馬遷修史列之九流班固叙書著之七畧今欲議其刪削語以芟夷便是絕學者之多聞爽國家之廣畧學雖不敏未敢從命謹對

射御

問五曹演妙六轡騰英吹簠延奇貫葉騁術眷茲兼藝理國曰資取要適時何者為急然則旁觀往籍逖聽前

規六藝之道同歸十哲之流必習何則書數之事獨列
於學官而射御之利不分於師氏今欲鳴鸞逐水落鴈
穿楊並列膠庠可乎不可至若魏臺漢帳誰擅其能三
正一侯孰當其禮軒轅訪道驂其乘者何人夏禹奠山
究其理者奚是近從曹馬遠逮義軒所創之功並宜別
白

對

對觀天察地必籍於四時奠主安人莫先於六藝若乃

九官

算法六藝數也

秘法六範

轡也六藝御也

奇功懸針垂露

六藝書也

之

能落鴈啼猿

六藝射也

之妙永言四術咸濟於時譬以五行

理難廢一至於出入軍國之謀道達陰陽之氣取要適

時射御為急者先王建國正位辨方順文武以分官仰

星辰而布教使僕者知其五御射者掌其六耦各班師

氏咸有司存此則垂範將來為國要道何必附輿執轡

同歸鴈序之庭七禮五犯

射也

並列鴻都之學事資仍舊

無或改焉爾其仲將之署魏臺梁鵠之題漢帳聲傳千

載能抗兩朝三正實諸侯之儀一侯乃大夫之禮軒轅
訪道昌寓驂其乘夏后奠山豎亥窮其理紛綸前史述
聽可尋竊以遠覽義軒近觀曹馬心計不過於隸首善
御孰若於王良史稽飛毫鍾繇騁翰后羿持箭李廣張
弦所創之人所工之事畧陳一二固難悉備謹對

文苑英華卷五百二

欽定四庫全書

文苑英華卷五百三

宋 李昉等 編

乾象律曆門二十三道

習星曆判六道

家僮視天判五道

私習天文判一道

馮相會天判一道

以管聽鳳判一道

為律娶妻判三道

上生下生判一道

曆生失度判三道

典同度管判二道

習星厯判

得甲稱人有習星厯屬會吉凶有司劾以為妖疑

疑作款

云天文志所載不伏

對

南正司天北辰列象昭回可議坐徵雲漢之詩厯數難
推自合史官之序當今銅渾設範玉衡齊政編氓各業
庶績其凝舉而推之雖頗會於終吉子不語恠竟貽咎
於為妖彼何人斯獨探幽說然古人垂教良史屬詞重

黎掌日得唐堯之躔次甘公言星明漢家之厯象遐覽
前志事有職司攻乎異端誰任其罰請寘霜典無取星
占

同前

郭休賢

天道非遠人情難測俯察仰觀知來藏往顧惟所習頗
曰常途取則四時識乘蛇之度數明諸六厯辨迴蟻之
循環習洛閎之平生得陵渠之志事既知休咎同入精
微攻乎異端自貽伊感必若門傳良治亦觀過而知仁

如其職異靈臺乃欽哉而難卹劾為妖妄何太忽諸引
以天文未聞其可

同前

韋恒

玄象垂文星辰作範休咎之徵斯在吉凶之跡可明秘
以人倫得之邦國既河長而山久亦自古而迄今尚有
不遵典刑默習推步眷茲所學幸遇休明慕劉氏之高
蹤仰張衡之舊業既而秋槎將泛知河漢之明梭太白
初高識將軍之出戰雖灾祥之屢犯在徵應之可憑若

彞典以斯違亦公途而難舍有司情惟糾慝志切繩違
告為妖說事恐乖於五聽科其犯禁誠有叶於三章

同前

薛重暉

藝術多端陰陽不測吉凶潛運倚伏難明預曉灾祥子
產稱博通之首逆窮否泰禪竈為廣學之宗是知羽駕
奔星初平言七日之會乘槎上漢嚴君定八月之期習

學之規技無妨於紀歷屢會之禮法禁言於吉凶

英華
作會

之禮法禁妄
言於吉凶非

有司嫉惡居心繩愆軫慮恐惑彞憲劾以

為妖冀必靜於金科庶不刑於玉律眷言執旨雖款載於天文審事語情實恐迷於至理即定刑罰恐失平反庶誥有司方期後斷

同前

褚廷詢

和氏命官疇人繼職裁度

一作成

歷數辨正陰陽雖日月

星辰無幽不燭而吉凶性命象在其中所以班固題篇編而作志馬遷著史取以成書安可私議災祥公違典憲仰秦儀而雖隔瞻漢綱而斯存豈得日用不知都勞

帝力天文妄習仍委國刑宜峻典彛以申平反

同前

徐楚望

大君

一作唐

有位北辰列象庶官分職南正司天和玉燭

而調四時制銅儀而稽六合是則官脩其業物有其方

彼何人斯而言厯數假使道高王朔學富唐都徒取銜

於人間故無聞於代掌多識前載方期為已役成稱

一作

則賤寧是潤身眷彼司存行聞糾慝語其察變應宗石

氏之經會以吉凶合引班生之志誠其偏習宜肅正刑

家僮視天判

甲於庭中作小樓令家僮更直於上視天乙告違法甲云專心候業不伏

對

劉庭琦

士惟各業法貴師古苟睽厥道蓋速其尤甲也黔人頗遊玄藝門庭之中駕小樓而對月星象之下縱微管以窺天懸究昭回遠探雲物傳諸子弟頗覲前修授以家僮未詳其可雖有詞於候業亦難免於刑典更資研問

方寬糾絕

同前

蘇綰

聖人作乎萬物惟又百寮分事命南正而司天五緯連
衡遵北辰而列象莫不上稽天道下授人時率由舊章
克備常典辨躔次之無惑識運行之有度南躔日至爰
有望於靈臺東陸春歸方可觀於太室必若官非代掌
業異家藏復王朔

漢有王朔望氣
英華作霸非

之精才有唐都之秘

術不在其位理宜勗於閑邪有犯於時辭豈逃於語怪

惟彼甲也能微訟乎僮則無良異疇人之子弟乙惟嫉
惡復呂氏之刑書庭際遐瞻寧用圭而測景樓中仰視
徒以管而窺天攻乎異端既殊冰操在乎正本請寘霜
科

同前

薛驥

仰觀俯察通幽洞微明分野之災祥知廢興之休咎故
漢皇應錄瑞日揚光宋景推誠妖星退舍所以標之甲
令著自前經苟非主司習者多罪甲官非馮氏名在平

人詩書為席上之珍無聞教子圖緯豈門庭之事輒訓
家僮公然有違法在無赦難專候業定欲窺天措之罪
刑應湏捨地乙告非法既叶公途請寘條章無容詞訴

同前

崔翹

易不云乎仰觀時變詩有之矣上列昭回國家蓋轉銅
渾灰飛玉律曙光侵而鼓應暝色下而鍾鳴月穆穆而
增波煙藜藜而不散苟非其局必寘刑名甲命家僮心
謀窺管至如長雲氣色京房有隱士之占德星夜聚太

史有賢人之奏，儻泛言古事，自合張裕之流。如私習天文，請寘呂刑之訓，必也業傳弓冶，名隸保章，寧失不經，豈濫無罪待窮，由緒方正，糾條。

同前

負做

聖人體道，雖旁行而不流。君子為儒，亦博覽而多識。甲誠不敏，嘗窺秘文，傳妙術於青猿，得精符於翠鳳。管公明之好事，不寐每踰於夜分。劉子政之多能，觀星或至於明發。固當率由古道，仰止先賢。既非日御之官，當悔

風占之跡况門庭之內賓友相趨遂乃別構青樓迴披
丹檻當牖異紅粧之女寓宿乃蒼頭之僕董舒災異主
人猶且致尤雕語怪神秦帝尚令下獄既私庭竊候罪
已一作乃良多公憲正詞刑其無捨但以考陳生之國志
嘗有其人徵葛公之蜀科未聞斯罪古今異政夫何足
疑待更細推方從公議

私習天文判

定州申望都縣馮文私習天文殆至妙絕被隣人告言

追文至云移習有實欲得供奉州司將科其罪文兄遂
投匭請追弟試勅付太史試訖甚為精妙未審若為處
分

對

崔 璿

精心寧寂綿思洞幽既訊水之如符亦言天而若印昔
聞其事今覩斯人馮文儒術圓冠識均方士耻蒼蠅之
迷夜重鳴鷄之唱晨一作曉由是徵神穿石流觀刺井探
九玄之微妙察五緯之綱維眷彼傾河言不乖於暝雨

循茲險澗罪已掛於秋霜隣人嫉深始求資於魏闕友

于情切方辨過於堯年由是皇旨鑒微刑不阿附

一作
附重

既令付法須裁典憲按其所犯合處深刑但以學擅專
精志希供奉事頗越於常道律當遵於異議即宜執奏
伏聽上裁

馮相會天判

甲為馮相氏掌十二歲以會天位闕於冬夏致日所司
科之不伏

對

惟甲馮相稱氏陰陽具司登臺窺天庶無乖於經紀觀
景致日方不越於躔次自可式旌典法克審璇衡或禳
災於未彰亦表瑞於先覺而乃曠我后之要列効義和
之廢時愛陽南臨既睽於宿偶

月令宿離不貸註離讀如儷偶之儷宿儷謂其

屬馮相氏保章氏掌天文者與宿偶當審候伺不得過差也

畏暑北至又闕於瞻度

儻冬夏失度分至乖道則六氣不節五行混施爾職不
恭天位斯紊所司科處誠謂合宜徒事薄言終資按法

以管聽鳳判

乙以管聽雌雄之鳳而不合將罪之云中國無竅均者

對

遠奚珣

鳳凰于飛聲中律呂雌雄是聽道在伶倫通乎忽微探
彼幽蹟瞻言乙也忝跡於倫一作斯豈術數之未精飾詞

之而有訐且軒轅已降歲序茲深推律者寧止於一家
探竹者無聞於絕塞遐求嶰谷近捨金門荀勗聲高懸
同此設京房識遠有愧其能既一作多謝知音宜從真罪

為律娶妻判

甲善筭為律娶妻生子人告其妖不伏

對

周之翰

甲道窮靈府藝盡數原探鄒衍之幽谷總洛閎之妙術
洞律呂相生之道尚陰陽更配之理推計必究其精微
變育乃均乎造化言其孕子如逢蘭夢之徵語以好仇
似叶楊子之慶且智殫風律尚有革於京生况妙極玄
穹豈無知於鄧道稽之自古尚不為妖察之於今如何

結罪告者無理咸從配之

同前

張鼎

理歷明時創自軒丘之帝寅餞納日制彼丹陵之主散
在國典鬱乎疇人甲以妙察五均工言三統雄管雌管
候六間而靡差上生下生稽五行而得象乾坤並位律

固聞於娶妻陰陽易

一作定

方呂實號於生子豈曰三星

之會何驚十月之祥顧不謀於白圭寧可信於緹幕如
簧之口雖欲加人匪石之心安能引咎疑則合闕妖則

謂何

同前

武同德

物生有象象而後數洎夫化原孰得其始惟此甲也筭
莫善焉乃窮日者之言累盡唐生之術不測謂神推陰
陽之度數曠能變谷知律呂之短長想彼娶妻寧因匪
斧之克興言生子備見弄璋之慶與物相召誰其忍諸
人告為妖一何誣也

上生下生判

律生筭失上生下生之數或告之辭云管皆合度

對

張秀

元聖立極俾人作乂博謀廣通以訪異能理厯明時用
司氣候律生何者忝乎在職考銅渾而正氣吹玉管以
飛灰變冷含一作暄當盡互物之妙娶妻生子庶探成

易寒

器之功何得倣擾厥繇候張失數儻虧官紀必殄孟陬
安可敬授人時是亦馬知天道永惟至理多昧彞途且
官不易方士資守業唐都秘術莫繼菁華趙達能名空

嗟已矣既乖七始之則須正九章之科

厯生失度判

厯生失秒忽之度

對

李昂

鳳凰司厯象

疑

謀託箕象生有數感而遂通邈探渾元

是知玄妙眇覩雲物必在精微情至紛擾則他想交亂
形質濁穢則寄鑒不明焉可以見天地之心窮鬼神之
狀幽變未測孰辨端倪相彼厯生迹參日御臺觀是忝

泉蒙未豁唐都不作糟粕誰傳趙達何追菁華莫繼失
秒忽之度曷以敬授人時若歸竒於勅履端於始則毫
釐不爽忝累無愆如或未精法將焉捨

同前

瞻乎厯生跡編太史按黃鍾之妙算玉管非工察緹幕
之微灰銅儀罕究今者三元奧術尚惜履端之明六律
幽源未達歸餘之數失之忝忽糾以簡字誠積龜之見
毀豈書馬而致誤不堪敬授將亂甲乙頗異太初之差

宜正義和之罪

同前

王冷然

律呂之本今古攸尚周行殷歷孔子於是興嗟漢襲秦
正劉歆以之條奏莫不考於經傳稽之氣象惟彼歷生
稱明算法理須一作辨銅壺曉唱則聽鷄鳴玉斗夜迴方

看蟻轉何得輕於秒忽失以毫釐禪竈多言豈知天道
義和廢職幾亂人時遂令太史罷占疇人廢業陸佐公
之漏刻莫見新成張平子之渾儀但聞虛設既失推堯

之典何逃寘棘之刑

典同度管判

典同度管失候不應史稱忝細徒少其人

對

范鳴鶴

道幹始根陽圓成象同律審候紀物書雲各守其官倫
創厥事考同律於巡禮先閱虞書資省律於張生方尋
漢志恭惟所典實曰司存職此之由須聞不怠影度從
候物精昭芒既未曉於談天徒効誠於窺管遂使牛車

轉水顛倒烟灰之色鷄卵色黃混淆氣火之象損三生
一紛糾無憑居陰布陽舛錯奚甚史也胥品誠迷厥官
縱欲陳力就列未知不能者止忝細厥粒徒寡其人先
無告辭後有推過此而獲宥何以用刑

同前

常非月

登科記
作自

火正分司疇人命職欽若天象敬授人時忝累無愆寸
管測陰陽之數葭灰期應閉戶窺天地之心所以申命
有司節宣不序未遂御於乾道近獲戾於叛官辰迴鴈

天不奪於房次月躔龍宿莫命於勤農二分或錯於春
秋九土有虧於啓閉不修厥職猶飾彼辭且列在群司
匪無常典徒有成數忝有常形忝細當合簡孚徒少豈
宜緘口防微於始胡不謀先敗而後言無乃太晚愆我
星度宜暴刑章待憑高下之班方定重輕之罪

文苑英華卷五百三

欽定四庫全書

文苑英華卷五百四

宋 李昉等 編

歲時門十九道

元日奏事上殿不脫劔履判四道

懸政象法判三道

元日大斟酌酒判三道

立春設土牛判二道

競渡賭錢判一道

伏日出何典憲判三道

九日登高墜脚判二道

冬日不獻狼判一道

元日奏事上殿不脫劔履判 解 貢

土惟三分爵有五等懋勲庸而賜祿加道德以授封故
鄭伯號公旌於周日鄩侯曲逆表乎漢代咸以胥寧帝
道宣翼王室上殿而劔履不脫立朝而贊拜不名貴之
與尊榮然明矣丙也三朝上壽百辟齊列敷奏昌言對
揚休命遠叶蕭何之軌復同子孟之躅若三台是職雅
符周典如一命纔登須遵漢律

同前

蕭昕

夷夏一體正朔同班車服旌旗光分五第聲明文物照臨百官國家庶績其凝四聰咸達九重清問每降於絲綸萬人自奏方聞於復逆丙以位階丹陛得奏青蒲竹帛未書既非子孟之錫劍履不脫須寘良夫之刑且道在守官物惟藏禮夫子相衛必在於正名謝恩守邸無聞於假器既紊彝典須寘嚴科

同前

崔寓

一人垂拱百官象物典禮不易威儀孔昭屬三朝會同

萬國咸造列辟勿褻天威不違彼丙何斯伏奏茲日若
良夫之傲禮且不釋劍異尚書之寵光徒聞曳履尊於
朝聘雖古代之有文失於敬守乃今日之無慚一作必愧
也位崇蕭霍榮極縉紳民且爾瞻備周官之九命馬
錫蕃庶類康侯之三接不可議罪終然允臧

同前

揚陵

履端於始且正班爵之儀明試以言是陳敷奏之議觀
其所會萬國來同相彼多士百寮咸列朝有著定失位

有愆國明彛倫干進斯罰丙以策名聖代忝跡周行初
伏奏於青蒲遂來陞於丹陛舍車闕下升坐其幕帶劍
君前施棄常禮僊王有錫命同蕭何之寵章人多大功
類霍光之舊制既不多於紀律固難措於典刑罪疑於
人宜竭兩端之問劾須當理方議片言之折

懸政象法判

甲元日懸政象之法於闕下金吾不許云職在佐天子
以平邦國萬人觀之浹日而斂

對

姚齊梧

獻歲布德群物俱新懸法施令衆官畢舉是遵往躅無
昧彞憲惟甲位當司馬職在平人載舉舊章不忘所守
恪言新歲爰帥其徒因天地之始和擇官司之令典懸
之象魏表一人之有法徇以木鐸俾萬方之知禁將使
國風所逮丕冒海隅王化所流率先京邑斯乃行古之
道得今之宜進不侵官退非越禮奚金吾之妄糾在古
典而斯昧無亦禁衛是恤而於職司致尤夏官既掌邦

鄙未嘗學矣周禮盡在吾子何所問焉

同前

衛 浦

百辟咸乂六卿分職各帥其屬欽乃攸司既立司馬之名亦稱祈父之任相維彼甲是掌邦政率由舊典匪曰曠官將選賢以興功或制軍而轄禁以忠王國實代天工九代臧疑作陳且觀其坐作三陽告始克施乎赦令將懸象魏猶秉于周禮不忘舊章載書於魯策既浹日而斂率何法乖且謀之用臧孰云勿許能守爾職夏官

未失於先庚不及而言中尉固慙於後動

同前

李 峯

六官分職百辟為憲式訓古典率由舊章惟甲蓋臣克
崇邦政行司馬之法平理萬人懸象魏之書糾綏四國
必在肇脩人紀董正戎行審鏡錫之聲教䟽數之度一作

節以為諸侯入覲列土一作上朝宗序班爵之賢以觀周

禮行蒐狩之令來覩漢儀布夏官之典常當正月之元
吉斯乃敬其所事無曠庶官儻宣父以遊寧有喟然之

嘆而子牟不遠必懷多戀之心玉律惟明予將有問金
吾所見子匪良圖

大斛酌酒判

元日會序賓光祿以大斛酌醴祈黃耆比部以無令式
勾徵詐稱以引以異古之道也

對

沈東美

比年三年殷見時見大會正殿小會東堂典禮序以
珪建官司其鍾鎮瞻言光祿式遵古典且爾公酬匪無

彝倫功沽之巧

周禮酒正注酒有米麴之數又有功沽之巧沽音古

先資於麴蘖

水泉既香必潔於湛饒

周禮酒正注湛饒必潔

瑟彼玉瓚黃流在

中挹彼注茲酌以大斗我客戾止嘉賓式宴呦呦鹿鳴

酒正斯舉振振鷺舞兕觥其觶俾爾戩穀永錫難老式

夷式已以引以翼方得古人之禮寧虧聖主之私郎署

雖欲深文卿寺豈宜甘罪

同前

王昌齡

設樽養老序賓惟賢將必發乎直言先用被

一作用光被

乎

孝德徵元會之燕射展古義于君臣金奏洋洋合明神
於九變青氣靄靄布慶雲於一色則當嘉賓戾止彝倫
孔彰群儒執經之日天子尊師之禮袒割以俾其冕旒
乞言以成其福祿昔之所廢今之所崇瞻彼有司未詳
光祿嗟引翼之攸惜何令式之無稽徒欲致譏誠堪聳
誦

同前

劉澗

元正告朔品物惟慶萬國朝宗九賓式序尊儒尚齒以

申其宴慰養老乞言以成其福祿威儀秩秩弁一作朴舞

僎僎等申公之置醴同齊侯之拜爵大斗以將其厚意

加邊以寵其元老既醉既飽以引以翼引大雅之謙私

致一作成太平一作玉非之樂事光祿乃遵古道未蹈深愆比

部則格以今科言從勾納法其畫一理在徵收刑責惟

輕不宜加罪

立春設土牛

得宜春縣門外各隨方色造牛耕人州司科不應為訴

云春前二日

對

許景休

玄陰方窮青律肇起霜歸寒鴈露洗春木是以星駕方
廻知四時之代謝歲陰更始識五行以為法甲以名忝
令長頒政邑人固合酌規前經考禮中典將以助養生
物叶贊歲時然而涸陰沍寒王者以磔鷄送節達陽遵
禮主司以土牛迎氣所為雖合於典時方色頗乖於禮
經訴以立春之前雖有近於月令若以隨方之色誠可

寘於秋官州科典刑竊以為當甲將妄訴罪實難逃

同前

鄭老萊

惟彼璇衡分乎四序調茲玉管載啓三春寰中祈空土
之功海內佇農祥之應甲職司銅墨道洽絃歌務切耕
耘情深勸勉消乎立春之日望氣之辰為土牛於縣門
設耕人於一作終畝一作隨隨方所造雖取法於陰陽候節而
為固無虧於令式今者四門併造數次施功便於春月
之中預設秋冬之事禳災或可在法難通州司科以不

應縣局乃為申訴春在兩日雖事分踈齊復三廟何如道理即科其罪恐涉深文輒此商量寧斯折中請從寬典
佇叶通規

競渡賭錢判

揚州深江都縣人以五月五日於江津競渡并設管絃時有縣人王文身居父服來預管絃并將錢物賭競渡因爭先後遂折舟人臂

對

康建之

日一作月觀遙臨旁分震澤雷阪迴瞰近屆邗溝郊連五

達之莊地近一都之會人多輕剽俗尚驕奢序屬良辰
躔係令節江干可望俱遊白馬之濤邑屋相趨并載飛
龍之舳泛長波而急漿有類乘毛湧修浪而鳴舷更同
浮葉蕭吟柳吹疑傳塞北之聲棹引蓮歌即唱江南之
曲王文問閭賤品蓬華庸流名教非閑喪儀多闕三年
居廬無聞毀瘠之哀五月佳遊且預歌絃之樂重以心
存清勝志在雄豪爭馳赤馬之津競賭青鳧之貫先後

由其不等忿爭於是遂興無思李老之言俄折楊公之
臂然則居喪聽樂已紊科條在服傷人一何凶險論情
撫事深穢皇猷定罪明刑理資丹筆

伏日出何典憲判

廣漢等四郡俗並不以庚日為伏或問其故云地氣溫
暑草木早生異於中土常自擇伏日既乖恒經出何典
憲

對

邵潤之

斗建於戌知立冬之景星火勝於金故至庚而氣伏徵俗忌之故事固稟陰陽按方志之所宜或殊寒暑廣漢四郡蜀門九折通濯錦之流入青衣之徼徒以溫暑異於中夏畜馭同於荒徼許令自擇伏日所以遂其土風當今齊七政之明垂四方之則百蠻由其奉朔九譯於是同文况茲巴蜀之人素陶齊魯之教自當變而至道率乃舊儀苟亂人時奚同文軌風俗通之小說未足憲章中和樂之雅音領崇舞詠請下四郡俾依三伏

同前

趙如璧

天平四序有寒暑之殊地列九州著華夷之別風土既
其不等節候於是莫同廣漢夷陬境連巴俗岷隅沓轉
雲峯與霞岫爭輝江溜橫分錦派共沙湍遞映候乖中
壤菜茂三秋氣離炎州草長二月至若時鍾季夏節屆
重陽金方始萌大德不競非無典司之主必告伏匿之
辰當復取捨因循何得輒為改革國家明堂布政象法
已行豈使均雨之鄉翻聞易日之義雖殊風俗之典恐

非得時之宜勤依恆式謂符通理

同前

崔翹

廣漢之郡實惟沃壤江波濯錦斜分白馬之津山嶂吐
雲近對黃牛之峽皇明撫運文軌大同自北徂南東被
西漸徒以窪一作靈盈異等風候殊宜草木偏早於陽春
金火不取於今日炎蒸郁毓未見行車毒霧氛氳唯者
墜馬論其恆式違帝者之金科語以憲章符漢王之故
事是非之理其在茲乎

九日登高墜脚判

楊甲九月九日登高墜脚致跛乙告為不孝科不應為

對

馮敬徵

無射良秋重陽嘉節登高有興坐追桓景下堂傷足多
侔子春雖異全歸何妨憂色寧損為孝之道而斷不應
之條告之者未達其幽趣科之者固知其失道棄而不
問幸無濫焉

同前

馮真素

楊甲溺志妙賞開襟季月探幽仙術既播美於銷災贖
彼禮經復傳芳於作賦莫房辟惡插鬢徒存菊花泛罇
傷足旋及下堂之懼空負子春之懷登階與言方貽婦
人之笑窮其孝道雖則致於毀傷校彼行章豈有涉於
情故乙誠妄告甲乃無辜輒賜片言能符至理

冬不獻狼判

得丙為獸人冬不獻狼責之訴云秦地無狼

對

白居易

鮮或不給既曠乃官辭且無徵是重而罪丙獸人斯掌禽獸罔共當路可求曾不思於寔尾充庖為用遂有闕於去腸既愆冬獻之期難償秋官之責爰載詳地產須重抵集作核國章薦必以時吾能言於周有生靡常所子勿謂其秦無縱口給之不慙在面欺而無捨

文苑英華卷五百四

欽定四庫全書

文苑英華卷五百五

宋 李昉等 編

歲時雨雪雊門十九道

冬至越人駕象入庭判一道

亞歲上罇闕酒判一道 臘嘉平神位判一道

天雨壞墻判一道 復陶以行判一道

春不修鑑判二道 藏冰不固判三道

西陸朝覲判七道 驅雊判二道

冬至越人駕象入庭判

冬至朝越人駕象入庭不載黃門鼓吹法司科罪越人
訴云依太康中儀不伏

對

闕名

大荒無限

一作垠

天下如截柔遠能邇老安少懷惟彼越

人沐茲造化

一作洪造

境遙銅柱聞伏波而蹙擊聲暨珠崖

非尉佗而能制屬星躔北陸日屆南長天子登靈臺觀
雲物命群臣以成列執五瑞而知禮牛羊勿踐駕象奚

趨來賓丹禁之庭不載黃門之樂今朝高會笑塗山而
未倫法奉虞章鄙蠻風而詎設棘司以多聞闕殆直寘
先繩越人以古有典刑曾何敢侮且中古以降五運相
乘太康之時九儀亦備具物云在時人屬遷須崇改更
之文無致因循之禮

亞歲上罇闕酒判

亞歲遇羣吏於庭將賜以樽酒所司闕供

對

王運充

主上大明臨下有赫國章式序天秩孔昭亞歲崇時見
之儀羣吏修會同之禮倬玉階之仗左右薰風頒金彝
之酒東西湛露庭實千品問皮馬以分行朝會九賓錯
華蟲而雜燕羽觴無筭玄澤初流兕觥其觶皇歡以接
賜上樽之旨酒帝命空霑承大聖之鴻恩天厨不給眷
言此咎罪莫重焉所司罷供實違常典既罹深罰邦有
常刑

臘嘉平神位判

先嘉平之夕索室不設存神之位有司告其師訖云小黃之過仰依禮處分

對

趙泉虬

歲律仲冬寒生季朔尊狩而臨清祀因蜡而祭嘉平承八政之勞農暢四人之休息既而日沉西障月下南軒夜復清而多聞神將肅而是享主不存位祭則無依幽靈無地玄酒何設如在之誠事既驗於闕行虧禮之尤理合從於寘罪乃典職之有失事未一作曷可容類龜玉

之將毀人何逃責有司推詰理

一作妙

合其宜訴非可憑

庶歸常典

天雨壞墻判

乙富家天雨壞墻其子曰不築且有盜隣人之父亦云
暮而果大亡失其家知其子而疑隣人之父告之隣人
引其子不伏

對

雲蒸晝暝天雨滂降當此激射或頽圜

一作環

堵乙者何

也而貨殖焉既得陶公之術有同宋人之富雖家惟四
壁而堂累千金當戒爾不虞宜納善人之訓何故為誨
盜不從幹父之情入門各媚信自負於知言翻或為讐
欲見疑於忠告引之為證事則可憑訟之無稽法亦難
設謂宜按記庶叶簡書

復陶以行判

甲託秦復陶以行人告其不軌訴稱嚴霰使然非是妄
作

對

康子季

日車南至星斗北廻徂歲既

一作將

窮重陰感發寒生大

漠雪下平蕪海曲於是先行山陰由其興往惟備乃無

患必藉重裘而彰厥有常須遵法服甲榮微簪組候屬

嚴凝節愧高臺寧懷

一作華

平君之操尊非楚國輕襲靈

王之儀罪當抵於嚴霜

一作秋

詞徒稱於積霰向若楚制

是用庸敢避於濡身今乃秦陶謬加因難逭於匪服既

負不衷之刺宜投僭上之科

春不修鑑判

丁掌頌不頌于命士春不修鑑而輒秋刷

對

庫狄履温

開國承家建官分職品彙斯布卑高以陳故禮設六官
必在所掌士分九命且均其職眷彼凌人頗忝班位惟
茲命士賓疑廁周行雖和平在時終無天昏之理而炎
涼失節或生疾疫之事備預之道寧失國經頒賜之儀
豈乖常禮且深溪寂寂方委積於大久虛室寥寥遂收

藏於小吏春風已解不聞修飾之功秋露未圓方事刷
清之業當其時而不作已表非勤應合給而缺供尤彰
失守不應之罰從此自貽慢令之科宜以為始

同前

庶 粲

宗周布政漢家舊法藏冰於陸自古有之頒冰於朝方
今靡替猗那厥職乃丁是掌西攀咸鑄寄甘泉之北宮
東邑鞏洛入邛山之陰洞履霜如堅和翠微而一色積
雪偕瀾岌稜層而流寒當忝司存合閑主守苟違命士

得無常刑若惟陳迹良亦異聞且太歲換韶盛德在木

上從天子下際羣公大給千官備霑累命青瑩片片光

研

一作妍

金鏡之空鉞背峨峨姿凜玉壺之態蓋將以蕩

清暑辟炎毒水精簾內飛燕嬌歌而對山虎

疑作武

鬼盤

中暑

一作星

暑永吟而陶酒時或稽緩人必增憂况士不

頒冰闕也春不修鑑怠也秋仍輒刷非也三者備矣夫

何言哉眷言伊丁請用常典

藏水不固判

所司藏冰不固訴云採冰戶家不依尺樣

對

崔希逸

寒暑遞遷四時有凝陰之節宗廟致敬五禮標陳薦之
儀徵萬古而莫遷雖百王而不易洎乎歲伏玄陸日短
星昴天寒地閉風淒雨霖一作霖積水成冰與銀牀而等

潔沍陰凝井映玉甃以生光既有峨峨之姿須備冲冲
之禮苟違六尺之樣遂闕三冬之備祭供有罷職司其
憂向若尺樣頓乖納時不應緘默自緣蓋藏不謹今日

方事推詢玉毀積中是誰之過掌人自合當罪採戶未
可論辜

同前

裴幼卿

習坎居卑履霜為漸始衆流而就濕終積溜而成冰於
是歲約星迴時遵月令啓凌陰之室享司寒之神山人

縣人

四字一作南至

即分官而有典北陸西陸

一無此二字

將候日

以無差乃採沍寒必於窮谷豈可未終見覘遽此晞暘

望朝覲而未開與隆冬

一作冬炭

而共盡主司先標尺樣輸

納當有程期豈三令之莫申何一言之匪効既乖守職
詎可逃刑

同前

裴寬

正德厚生九功惟序備物致用十翼斯崇均諸五行廢
一不可况氣移西候日躔北陸深山窮谷涸陰沍寒狐
絕聽而無疑鴈爰飛而向暖風驚千里草木落而云黃
氷結三河波瀾凝而不動眷言主者則有司存理宜採
彼幽詩循芳魯策獻羔無闕賓祭有宜何得慢令致期

以速官謗氣已昭於發洩罪將犯於刑書雖嫁禍於戶
家固難免於科罪

西陸朝覲判

西陸朝覲闕彤繹之永御史劾之云非其時不合禮

對

鄧承緒

獻歲發春列宿分曜人其不惑序惟莫愆乙也司存式
惟天道令乎窮谷以將納米物其惟新時漸於廟日在
北陸其藏也以周星見東方其出也以徧克諧冬夏

之氣不悖陰陽之宜彼彤繹而不脩何祭祀之為禮御
史之舉嗟執簡而不為有司之儀蓋通方而被利刑惟不
濫其可加諸

同前

潘文環

將祭司寒必從朝覲自上下下須亦有宜惟彼乙兮是
稱主者獻羔而啓自仰天王之豐愆陽不興果叶藏冰
之道且祭之明日曰繹彤既區分於禮經亦隨時而用
捨有何乖制而致絕愆請寬執憲之刑庶免不辜之罪

同前

孫益

凌人納室獻羔開冰取時寒而腹堅用鬯朝而首出在於賓祭則有彝倫况彤繹之禮既施水土之品必設履年或存乎顯若藏冰更關於陳焉乙忝主司實為失守無恒之迹且類於南人有常之儀宜在於西陸未能引過猶謂非時於禮何觀在刑不忘

同前

劉肱

氣改東風日在西陸魚稱祭獺人用獻羔乙為冰司預

聞政事朝之祿位尚合班行祭之彤繹俄聞悔吝誠應
鑑室初啓以享司寒何得羽籥載闡仍虧如在既蘋藻
而有闕仰哀敬而難逃青龍御辰二月行及驄馬問罪
三尺須加自得噬臍那應騰口

同前

吳蒙

冰以風壯縣人初傳寒乘春消王命是出遑夫彼乙能業
其官豈炎涼之不愆調乎四氣將潢汗之同薦利于百
神滌意爰卜於吉蠲闕容乃稱於彤繹曾是獲麟之史

西覲靡逾孰謂冠豸之雄南臺妄糾若五經之訓奉以
守彼乃或繁一作擊無成曷為知禮

同前

張巡

薦必及時政無墜禮雨雹可禦淒風不流惟乙凌陰是
司將頒食肉之列爰逮伐冰之家當夜有頌朝覲無戒
且不違於西陸蓋取異於東隣既憐申豐將除苦雨之
變翻慙高子不爭靈星之詩御史職在乘駟誠為直指
有司義乖祭籩猶曰非時徒欲事於煩言得無同於矯

舉罪之則可訴亦難從

同前

冰以禦災祭而后用東風初至啓陰室以被除西陸既
躔命凌人而歲事朝覲而出必有事於司寒彤繹之儀
固可徵於舊典春言一職實忝司存進而不知類義和
之廢職退而隳禮與申豐之善射疑作對獻羔斯闕須實
嚴科神豸觸邪豈其所過

驅讎判

月晦所司闕堂贈之禮

對

率以大儼是驅羣厲斯夏官之所掌在東堂而成法
飾其金目視方隅而皆知拒乎用逐首綵章而必備有司
奉職無競惟人既尸百隸之位當順四時之節值此日
月初晦星辰已周欽奉國儀必聞堂贈須因周禮成法
將始逐茲赤疫罔被清冷上以破除惡夢下以司執遺
鬼宣尼之禮更立阼階張衡作賦是清京室此時廢執

孰以逃刑撫狀誠合科絕執文或當推問何者所稱晦
日乍涉陽春儻作玄律在時不可朱裳有事理茲伏念
宜正嚴科必當建日之辰請寘先庚之罰

同前

顏朝隱

寘物自繫幽其罕除因憑神之道戒天厲之災所以職
在夏官事殷玄月煥其金目分若偃童是知作背之儀
用符堂贈之禮况夫時方代序推奠砌而已殘物有
札瘥在桃符而何闕載紊舊典合寘彞條

文苑英華卷五百五

欽定四庫全書

文苑英華卷五百六

宋 李昉等 編

門

道

闕

欽定四庫全書

賦

卷五百六

同前

崔 璿

鳥鳴亳社燕死吳宮屋室坐焚營魂溘盡下堂待傳嘗
聞宋女之貞上國同盟亦曰諸侯之義情深恒化事急
災分介之旌綿何嗟及矣求也攝帛如可贖兮豈澶泉

左傳會于澶淵宋災故既
而無歸唐諱淵故作泉

之無歸固匍匐而將救歛怨

為德容或干刑贈死及屍昧非憎禮覽公羊之大傳自
有明文考縣象之舊章了非昧法人且無罪事固絕倫

同前

張淵疑

丙家非綿上室異廐焚初聞問馬之辭旋至歌龍之甍
將救餘燼昧元瑜之舊林言訪遺煨異僖父之前室望
人矜茲逝者歌彼蕩乎亦既聚財更其所傷吊生以禮
因不違於賙贈哀死及屍亦何議於賍物誠以魯策求
之宋妻丘既吾無間然預今得為義矣

凶荒判

豫州昔歲人羹芋魁所由得租百姓上狀

對

賈登

則以三壤均乎九賦或愆歲計之期必降時宜之典荆
河惟豫茅區在蜀往有菜蔬之色獲充藜藿之資采葑
以菲且存下體如葵非智斯無衛足既而吏作輕稅人
困薄言雖稱漢代有文頗異堯年作法且所緣歲損合
預申陳六條初不上言百姓無從下免任從收稅將謂
合宜

同前

食以為天農固其本幾缺有秋之稔徒有望歲之憂睇

彼荆河實惟菜色豐祥不聞於鳴雀徇急頗見於蹲鴟
地雖化於岐山豈臻豐富人已歌於翟氏詎得徵收百
姓有詞理固難奪

復古脩火利判

乙學脩火利合土為之用人言其復古辭云皆從其朔

對

常無求

五帝殊功不相沿襲三王異制各有等衰故汙罇於太
素之前合土漸澆醜之代乙雖非火正將效祝融未及


漢陰之望遂作河濱之器俾夫炎上之德有益陶鈞濟
物之功更成埏埴則宮室臺榭為利頗多送死事生于
何不有跡雖反古事乃禁今無乖理佐之端妙合隨時
之義况稱從朔將執禮經雖致薄言何傷厥理

同前

張孫憲

博考終古厥惟敦龐大智未萌尚質巢窟後聖有作乃
教炮燔爾來欽哉孰謂為刺乙或工者舉而修之以火
化物豈特鎔金之利若泥在鈞斯從合土之法既埏埴

以為用非陶甄而謂何苟學非乖方篤在守業得高曾
之規矩無窳濫之悔尤則彼有虞以協還淳之化紹于
上古寧云反古之道從朔者稱其有典薄言者則謂無
稽



文苑英華卷五百六

欽定四庫全書

集部

文苑英華卷五百

七至
十

詳校官給事中臣李臺

助教臣常備覆勘

總校官進士臣朱鈺

校對官中書臣金光悌

謄錄監生臣馮堪

欽定四庫全書

文苑英華卷五百七

宋 李昉等 編

禮門樂門二十六道

國公嘉禮判四道

九文六采判一道

負劔辟咄判一道

樂請置判懸判五道

燕子天舞判五道

教擊編鍾判一道

奏安代樂判一道

典樂羽籥判一道

四品女樂判三道

怒心鼓琴判一道

學生鼓琴判一道

迴風變節判一道

五品女樂判一道

國公嘉禮判

國公有嘉禮謁者不示儀式科之云非五品已上仰處

分

對

齊融

稽彼寵章資乎禮物以明貴賤諒有等差顧謂國公幸
分茅土爵跨五等位冠諸侯爰擇良辰用展嘉事相夫

儀式合有司存謁者之行法乃為允執非五品更引兩
端宜更喻知使仍舊貫

同前

李子卿

國著建封禮存嘉好蓋降殺之有數何等威之不忒惟
彼國公列在王制當享賓之日且欲媵羞於合好之時
仍將委幣顧茲謁者今則謂何拜辱拜嘉蔑無聞於紹
相三揖三讓曾不節於周旋五馬初來見使君之佇立
三星已下於粲者之未逢慢禮自宜抵罪闕事於何逃

責遊詞所及雖委援於五品薄訴徒為祇取慙於一握
俾投棘署無聽秀言

同前

陶朝

五等之儀必從軌物六禮之數非無令典或表著而失
節固憲章而在斯惟彼國公責稱列土慎爾侯度見錫
命之有常覩於承家知禮容之必盛謁者久聞一作問從

事云在司存儀式且虧於職官論刑未免於離次法有
常制從徵於五品義而能伏實佇於三緘必也位居襲

封時在散職將申直筆應候正名

同前

杜位

開國承家已膺明命成人宜室當率舊章所謂伊人展
斯嘉禮三揖三讓爰脩著代之儀墨車漆車將執親迎
之道眷言謁者曾莫是思儀式之間自合歸其茅土降
殺之數復何昧於等威縱以五品為辭終冀片言斯折
九文六采判

丁能從九文六采之大自謂成人或責其揖讓未中禮

詞云周旋曲直各有所從

對

李暄

威儀有差賓聘所貴舉必執禮是為成人能曲直之不
違則進退而皆中惟丁克荷前烈紹復舊典修上下之
紀制財用之節不失天地之經尚陳文采之數此實大

者夫何間焉同游吉得禮之初固

疑作因

於國產類趙簡

習儀之際效彼魯侯奉以周旋誰敢失墜每事皆問無
廢孔門之則一言之請將成晉國之風諒詞者之有據

誠或人之妄責

負劔辟咩判

甲負劔辟咩受詔者不掩口或告失儀曰唯而未對

對

敬括

父子異論應對殊旨或有不敬必心一作遺其責負劔者

甲莫履乎禮爰辟咩而有詔宜掩口而斯答何乃良袂
未引哆口斯張心尚滯於童蒙氣先加於長者侔之內
則斯闕義方語彼過庭此迷禮訓或非為當仍詎何為

樂請置判懸判

有州中百姓皆好操縵都不識雅章以不能易俗請置
判懸供釋菜賓社之用使人觀習省以為非所宜言不
為聞欲科罪訴云州將鹵簿見著令文且方古軒縣為
降已其置之何過

對

萬希莊

革物訓時觀人設教欲風之以正樂必求之以雅章苟
操縵之見淫誠布政之為辟如或上下乖序雅節亂常

匪所以易俗宣風適足以貽刑立辟且禮資成化樂貴
移風諸侯軒懸自有感緣之節州將鹵簿豈係賓社之
容若以大夫之懸俾人觀習是棄先師之禮云誰降殺

同前

齊融

國家制禮作樂懸象示人列在京師編諸甲令禮緣失
序自可取之於朝樂章不虧何輒列之於野苟希專制
豈曰宜言惟彼有州殊非折衷中和樂職不見盛德之
容上下判懸無聞達禮之意置之何過州乃飾非不與

上聞省以為當

同前

康子孝

雅有大夫樂有君子將以昇幽崇德降物平心當今率
土齊觀頌無為而擊壤普天同樂學操縵以施絃涓選
既脩匡衡之章遂觀鄭聲久絕文侯之卧亦興比屋可
封薰琴解愠自應兩日施化三年有成釋菜之儀則聞
於肆夏賓社之用蓋取於登歌欲還眡庶之風何假大
夫之樂而引令鹵簿空肆危言州乃不應請置有茶爨

章省以非所宜言雅符公正事緣共理過亦難科未推
臯陶之刑宜點平輿之品

同前

李元

樂章脩設國風式備延陵聘魯竟辯興王之徵魏絳和
戎始受歌鍾之賜干舞有序上下於是協和金奏克諧
陰陽以之交泰所以考性情之不忒質鬼神之無疑靖
俗調人比物適節雖擊石拊石萬物必諧於大雅而不
識不知百姓尚迷於古奏然而古今異制沿襲匪常皂

蓋朱軒接國章而有著奏篇振萬徵古禮而斯易學操
縵於雅曲乃大略之推輪感頌漸音行當易俗何必引
軒判之制操賓祭之儀非所言焉象刑之典宜及古之
制也鹵簿之例徒施

同前

張玄度

明則有禮樂幽則有鬼神並繫國移風助天成物我堯
舜其德清明在躬詠南風之時光宅天下肆東平之樂
政事惟醇瞻彼有周誠為率土百姓樂業羣黎向方而

先彼藝能後其節目操茲雜弄存彼安絃承獎訓於鹿
鳴冀成功於蟻垤州司以事乖易俗不識樂章既慙師
乙之言有類文侯之問爰申禮閣欲置判懸供釋菜於
賓社庶毗黎以觀習且是請也非所宜言昔子路居蒲
文翁處蜀自有無聲之樂豈聞操縵為辭欲寘爰書若
何文過軒懸鹵簿徒飾詞於如簧郵罰麗事豈逃刑於
聽棘

燕子舞判

燕師國子以弓矢舞樂師巡列將撻之曰眡瞭詔瞽來
臯

對

解責

國有大會式敷燕禮大樂允釐萬舞斯列或陳干戚或
執羽旄與天地而同和在神人以咸若惟彼國子師膠
于庠將諧搏拊之節遂形弓矢之制實遵古典豈紊彝
章樂師所巡奚妄加撻祭用荆茅徵羽乃遺其一聲饗
以空桑孤竹或全於九變春秋典廢蓋宗伯之常禮尊

卑抑揚實伶官之本職何惜大體忽寘深尤審樂不愆
子焉斯得惟刑是恤師也則亡眡瞭稱過於師曠知音
曷同於季札濫罰之咎明以刑書

同前

蕭昕

選勞策勲辨樂論德師曠侍晉如崇侑食之儀士丐平
王頗職蒸餼之禮於是小臣戒備太師辨章笙入懸間
歌昇堂上禮亦異數既加籩而稱節樂其無筭方及旅
而揚觥率禮未見陳弓楛扑固宜行撻國子以行能不

著版籍徒編乏周瑜之聽音同孔張之失位使仲尼忘
味不及在齊吳札觀風還同自鄒舞師見察而不迷於
樂童瞽人妄告請無廢於杜舉

同前

崔寓

禮備吉凶義存燕享苟嘉事之不體豈刑書之獲宥命
夔典教虞經所重立政崇術王制攸先國家授才任能
講信勸學鄭聲久放不效文侯端冕簫韶已陳足使孔
宣忘味顧是胄子舞斯嘉樂不能請業且服奉奉之道

而乃將撻以速青青之刺樂師巡列蓋亦司存賴先父
之職官敢有二習為於予之擊拊能閑六律撻之不謹
謂得其忠誠厚責而難逃奚薄言之妄訴將眦瞭成訟
孰曰知言以瞽臯為詞何居昧識德之不務失鵠自可
求身過也必文溺人無宜反笑

同前

趙陵陽

國有燕禮式明慈惠之德政資和樂爰修歌舞之容所
以厚之崇仁

此句疑

誠省威儀之節先王作則顧禮文而

可徵君子守官瞻守

一作聽主

掌而何闕且宗伯列位舊章

不忘司弓設班周經未棄是以舞而習射抑有前聞用
斯義而燕飲孰明其趣而乃師茲國胄亂我王猷靜言
越樽何以率職相師之道在眡瞭而何傷失禮之辜伊
瞽矇之或忝樂師所罰雅符滅鼻之刑詎者無辭尚勞
滕口之說徒有來臯之詔終貽獲戾之憂

同前

張喬

燕訓恭儉樂協詠歌君子以之侑食先王所以布政師

彼國子舞于公庭始合於文執羽籥而在列終奏以武
觀弓矢之斯張進退疾徐取六律以成節屈伸俯仰宣
八風以克諧始協伯夔之教自得周官之典眡瞭詔瞽
既訴者之有詞樂師巡列何朴作之妄罰於此觀禮宜
其緩刑

教擊編鍾判

太常申視瞭訴稱無人教擊編鍾科鍾師罪憲司按其
未當所由不伏

對

邢寅

國典攸設秩官之常各靖其能無替乃事所以備樂成
列編鍾在懸是擊是考有倫有脊則修古訓儆其職官
將視瞭之所司宜磬師之尚教何所由之黷禮寘鍾師
於非辜同蠶績與蟹筐比耶圍於魯薄興言循口刑其
捨諸或縱詭辭罪難於已未當斯按皆將取焉不伏為

言猶拾

見左傳一
作捨非

潘也

奏安代樂判

禮部責太常不奏安代樂詎云今之所奏雖曲名不聞
聲調相類且簫難備何用此為

對

魏宥

禮因樂聲既沿且襲須有專達司于太常是知六律六

呂一作同之差三成四成之奏所以感和天地降格神祇

繁手淫聲必有所禁輯人安代奚乃之違則韶夔其名
匪一夔而可辨笙鏞以間何細器之能諧輒游厥詞過
亦奚道

典樂羽籥判

乙典樂掌羽籥干戚不知屈伸俯仰人或非之云所主器未達其文

對

姚峴

聲以成文樂可易俗期於五者不亂故使八音克諧爾乙于何典斯器也爰執干戚雖職列伶官徒紀鏗鏘則義同制氏欲使齊其綴兆節以屈伸縱曰仲由無人不及鍾儀守職周旋罔墜禮義何愆或者見非誠為參不

敏也而辭且能順勿謂獲其勞歟

四品女樂判

乙有女樂一部御史按之云見任四品清官仰處分

對

李仲云

樂云鍾鼓詩美琴瑟貴以平心非徒娛耳惟茲四品諧
此八音苟嘉樂之可觀在官班而有節况昇平之代朝
野多歡簫韶之陳獸猶來格家室之際女也何妨未乖
至理之宜何速憲司之按此而獲過豈曰知音

同前

爵以馭貴樂以報功異其四者昭以聲文既比物以飾
節亦安德而教和乙也銀艾蟬聯朱輪焯耀名稱貴士
位列清班家乃伐水朝膺食肉二肆未陳於縮雷一部
且列於曲房事等馬融義符魏絳且窈窕閒淑蛾眉麗
姿樂則備於伶人禮可嬪於君子功化絲泉舞節鏗鏘
稽命數而合宜在法令而何爽御史糾按無乃深文

同前

李應

禮不與奢慎微以從事用過於儉在貴而能貧乙也不
愆其儀匪懈其位詎聞不擊不考同詩人之鼓鐘而乃
翁如純如類文侯之冠冕東山逸態事比謝安後庭曲
施意齊田蚡法司所舉允執厥中儻人惟通班列四備
之嘉樂國有成命因五利以和戎理宜捨之以勸能者

怒心鼓琴判

甲聽乙鼓琴曰爾以怒心感者乙告誰云詞云粗厲之
聲

對

元稹

感物而動樂容以和苟氣志僨興則琴音猛起儻精察
之不昧豈情狀之可逃况乎乙異和鳴甲惟善聽克諧
清響將窮舞鶴之能俄見殺聲以屬捕蟬之思憑陵內
積趨數外形未平君子之心翻激小人之愠既彰蓄憾
詎爽明言詳季札之觀風尚分理亂知伯牙之在水豈
曰誇張斷以不疑昭然無妄宜加黜職用刺褊心

學生鼓琴判

乙為太學生好鼓琴博士科其廢業詎云非鄭衛之音

對

夙夜惟寅雖無捨業琴瑟在御誰謂溺音苟未爽於克
諧亦何傷於不撤乙也良因釋卷雅尚安絃期青紫於
通經喜趨槐市鼓絲桐之逸韻叶暢薰風好濫既異於
文侯和聲豈乖於曾子欲科將落合辨所操儻雜桑間
之淫須懲煩手若經杏壇之引難責平心未詳綠綺之
音何速青衿之刺忝司綿蕝當隸國章載考繩違恐非

善教

迴風變節判

甲鼓琴春叩商秋叩角樂正科僊時失律詎云能迴風
變節

對

八風從律氣必順時五音迭奏和則變節絲桐之妙苟
極寒暑之應或隨甲務以相宣因而牙動和飴牛之唱
白露乍結於東郊授舞鶴之聲青陽忽生於南呂鼓能

氣至藝與天同且異反常之妖何傷應感而起惡夫典
樂曾是濫科涼風徐動於鄭奏遽云失節寒谷儻移於
鄒律何以加刑克叶之薰無令真棘

五品女樂判

辛為五品官有女樂五人或告於法訴云三品已上有
一部不伏

對

聲樂皆具以奉常尊名位不同則難踰節辛也榮沾五

命始用判懸僭越三人終乖儀制非道不處多備何為
苟耽盈耳之繁遂過粲分之數廣張女列徒効尤於馬
融內顧何功欲思齊於魏絳固循唐令空溺宋音雖興
一部之詞其如隔品之異請懲擾雜以償人言

文苑英華卷五百七